

ახმეტის მუნიციპალიტეტის საკრებულოს

მორიგი სხდომის

ოქმი № 7

ქ. ახმეტა

6 მაისი, 2020 წელი

თავმჯდომარეობდა:

თამარ ყვინიშვილი - ახმეტის მუნიციპალიტეტის
საკრებულოს თავმჯდომარე

ს ხ დ ო მ ა ს ე ს წ რ ე ბ ო დ ნ ე ნ:

საკრებულოს წევრები:

რ. ბაღაკაშვილი, ბ. ჭიჭიკლიშვილი, ა. შათირიშვილი,
ნ. ალავეძე, ა. ბულრიძე, ლ. ითიურიძე, ი. მრელაშვილი,
თ. მგელიაშვილი, გ. ხუცურაული, მ. კობტაშვილი,
დ. იმერლიშვილი, თ. ბორჩაშვილი, რ. ალხანაშვილი,
ვ. სუხოშვილი, რ. გახუაშვილი, ა. ხიზანაიძე,
თ. წითელაური, გ. ხადიშვილი, ფ. შიომრვდლიშვილი,
თ. ბოდაველი, ლ. გოგოთიძე, დ. ახალკაციშვილი,
ვ. დედაბრიშვილი, გ. მაისურაძე, შ. ტერტერაშვილი.

სხდომა გაიხსნა 11⁰⁰საათზე.

დღის წესრიგი

1. „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე;

/მომხსენებელი - ილია გუმაშვილი/

2. ახმეტის მუნიციპალიტეტის საკუთრებაში არსებული, სოფელ ხორხელში მდებარე 183956კვ.მ სასოფლო-სამეურნეო (სახნავი) დანიშნულების მიწის ნაკვეთის სახელმწიფოს საკუთრებაში უსასყიდლოდ გადაცემის შესახებ;

/მომხსენებელი - თინათინ კუდიანაშვილი/

სხდომის თავმჯდომარემ კენჭისყრაზე დააყენა დღის წესრიგის მიღება:

სხდომას ესწრება 26 საკრებულოს წევრი.

მომხრე - 26

დღის წესრიგი დამტკიცდა.

მოისმინეს: „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე;

/მომხსენებელი - ილია გუმაშვილი/

მომხსენებელმა გააცნო საკითხი:

ნორმატიული აქტის პროექტის მიღების მიზეზი არის „საჯარო სამსახურის შესახებ“ საქართველოს კანონში განხორციელებული ცვლილება, რომლის მიხედვითაც

მუნიციპალიტეტის მერის წარმომადგენელი და მუნიციპალიტეტში შემავალ ადმინისტრაციულ ერთეულში დასაქმებული სხვა პირი საჯარო სამსახურში მიიღება ადმინისტრაციული ხელშეკრულებით, აქედან გამომდინარე მერის წარმომადგენლებს არ აქვთ უფლება გასცენ სხვადასხვა სახის ცნობები. დადგენილების მიხედვით აღნიშნულ უფლებამოსილ პირს განსაზღვრავს მერი.

ნორმატიული აქტის პროექტის მიღების მიზანს წარმოადგენს დადგენილებაში ცვლილების შეტანის გზით ახმეტის მუნიციპალიტეტის მერიის დებულების საქართველოს კანონმდებლობასთან შესაბამისობაში მოყვანა.

პროექტის მიხედვით მე-15 მუხლში შესული ცვლილებით, კანონთან შესაბამისობაში მოვიდა და განისაზღვრა მერიის საჯარო მოსამსახურის ტერმინი. რომლის თანახმად, მერიის საჯარო მოსამსახურეებს წარმოადგენენ: პროფესიული საჯარო მოხელეები, ადმინისტრაციული ხელშეკრულებით დასაქმებული და შრომითი ხელშეკრულებით დასაქმებული პირები. ამავე მუხლში გაიწერა საჯარო მოსამსახურეთა ცნება და სამსახურში მიღების თავისებურება. ვინაიდან მე-17 მუხლი თავისი შინაარსით მე-15 მუხლის შინაარსს აგრძელებდა მოხდა ამ მუხლების შერწყმა და მე-15 მუხლში გაერთიანება, შესაბამისად, ამოღებულ იქნა მე-17 მუხლი. მოხდა მერის წარმომადგენლის, როგორც ადმინისტრაციული ხელშეკრულებით დასაქმებული პირის სტატუსის და უფლებამოსილების განსაზღვრა.

(განმარტებითი ბარათი თან ერთვის ოქმს).

სხდომის თავმჯდომარემ კენჭისყრაზე დააყენა საკითხი.

სხდომას ესწრება 26 წევრი.

მომხრე - 21

წინააღმდეგი - (1) თეიმურაზ ბოდაველი.

მონაწილეობა არ მიიღო - (4) გ. მასურაძე, შ. ტერტერაშვილი, ვ. დედაბრიშვილი, დ. ახალკაციშვილი.

ახმეტის მუნიციპალიტეტის საკრებულომ მიიღო დადგენილება № 7: „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე;

მოისმინეს: ახმეტის მუნიციპალიტეტის საკუთრებაში არსებული, სოფელ ხორხელში მდებარე 183956 კვ.მ სასოფლო-სამეურნეო (სახნავი) დანიშნულების მიწის ნაკვეთის სახელმწიფოს საკუთრებაში უსასყიდლოდ გადაცემის შესახებ;

/მომხსენებელი - თინათინ კუდიანაშვილი/

საკითხთან დაკავშირებით სხდომას ესწრებოდნენ სოფ. ხორხელში მცხოვრები მოსახლეობის გარკვეული ნაწილი.

მომხსენებელმა აღნიშნა:

ამ პროექტთან დაკავშირებით, მინდა წარმოგიდგინოთ სოფ. ხორხლის მოსახლეობის ერთობლივი განცხადება: სადაც მოთხოვნილია არ დავუშვათ აღნიშნული მიწის სახელმწიფოსთვის გადაცემა და აქვე გაცნობებთ მუნიციპალიტეტის მერიის პიოზიციას, მოსახლეობის ინტერესებიდან გამომდინარე (ადგილობრივი თვითმმართველობის კოდექსის 110-ე მუხლი) მხარს არ უჭერს ხორხელში მდებარე 183956 კვ. მიწის სახელმწიფოსთვის გადაცემას.

აზრი გამოთქვას:

მოსახლეობის წარმომადგენლებმა:

ივერი მამაცაშვილი - არ მოახდინოთ მიწის ნაკვეთის სახელმწიფოსთვის გადაცემა.

გიორგი ებელაშვილი - გვსურს აღნიშნული მიწის ნაკვეთი დარჩეს საძოვრად.

სოფელში და მის მიმდებარე არეალში, მხოლოდ ეს ადგილი იძლევა სოფლის მოსახლეობის საკუთრებაში არსებული პირუტყვისთვის წყურვილის მოკვლის შესაძლებლობას. შესაბამისად, აღნიშნული მიწის ნაკვეთების გასხვისება სპობს ჩვენს სოფელში მესაქონლეობის არსებობის და განვითარების ყველანაირ შანსს, რაც უმძიმესი დარტყმა იქნება ჩვენს სოფელში მაცხოვრებელი თითოეული ოჯახისთვის და გაუსაძლისის გახდის ყოველდღიურ ცხოვრებას.

სხდომის თავმჯდომარემ კენჭისყრაზე დააყენა საკითხი.

მომხრე - 0

წინააღმდეგი - 26

საკრებულოს სხდომა დაიხურა 11⁴⁵ საათზე.

საკრებულოს თავმჯდომარე:



თამარ ყვინიშვილი